

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Achis.

urn:nbn:de:gbv:45:1-18303

ACHIS. I Reg. 29.

ARGUMENTVM.

Achis Gethæ Rex, admonitu procerum suorum, Davidem, (qui ad ipsum confugerat) ab exercitu suo dimittit.

Proceres Palæstini, Achis Rex, David.

Quinam sunt Hebræi isti, quos habes in nostro exercitu? *A.* David est, Sauli Israelitarum regis servus, qui mecum egit per hosce dies, vel potius annos, in quo nihil adhuc reprehensione dignum deprehendi, ex quo ad nos aufugit. *P.* Remitte hominem in eam provinciam, cui tu eum præfecisti: ne, si nobiscum descenderit in certamen, in nos se convertat. ^{a)} Nam qua tandem re melius possit cum suo domino reconciliari, quam horum hominum capitibus? Nonne hic est ille David, carmine illo in choreis celebratus? Saulus mille, decem concidit millia David. *A.* David, Jovam ego immortalem testor, te mihi, tuamque castrensem consuetudinem probari: neque enim ullum adhuc in te vitium, posteaquam ad me primum te contulisti, deprehendi. Sed optimatibus non places. Quamobrem discede cum bona pace, ne Palæstinos proceres offendas. *D.* Quid vero ego commisi? aut quid in me adhuc deprehendisti, ex quo primum in tuum conspectum veni, ^{b)} ut in bellum contra hostes tuos non proficiscar? *A.* Scio

G 5

equi-

a) Etiam barbaris non deest prudentia.

b) Simulatio.

equidem te mihi iam placere, quam si divinus
esses genius. Sed vetant satrapæ Palæstini, te
prælium secum inire. Quamobrem mane, ubi
diluxerit, proficiscere sane una cum tui domini
fervis, qui tecum venerunt. *D.* Equidem invitum
illis militare nolim: parebitur.

SENTENTIA.

*Non ab re suspectum est perfugarum contra suos
auxilium.*

AMALECHITA. 2 Reg. I.

ARGUMENTVM.

Amalechita quidem Davidi necem Sauli
nunciat, cujus necis autorem ipse se esse
dicit, eamque ob rem David eum jubet
interfici.

David, Amalechita.

Video quendam huc venientem scissa veste, &
capite insperso pulvere. Haud temere est,
nimirum aliquem sinistram nuncium affert. Un-
denam ades tu? *A.* Ex exercitu Israelitarum
evasi. *D.* Quid actum est? eloquere. *A.* Fu-
gerunt milites e prælio, multi e vulgo ceciderunt:
Saulus quoque & Jonathan ejus filius occubue-
runt. *D.* Qui scis Saulum & Jonathanem occu-
buisse? *A.* Cum forte venissem in Gelboem
montem, video Saulum innixum hastæ, cui cur-
rus & equitatus jamjamque imminabat. Respexit
ille, & me viso: Huc ades, inquit. Accessi. Tum
ille. Quis tu es? Amalechita, inquam ego.

Aggre-